



NIGHTFEVER

Šěroko wočinjene durje

Nightfever – što to poprawom je? Mnozy z was to zawěsće njewědža, wšako njeje to pola nas hišće rozšěrjene. Nightfever je ze swětowego zetkanja młodžiny 2005 w Kölnje wušto. Młodostni nochcychu, zo by po tutym zetkanju wšitko zaso při starym wostało abo so pozabyło. Tuž měještaj studentaj teologije Katharina Fassler a Andreas Süss ideju, zo bychu so wosebite wječory w cyrkwjach wotměwać móhli.

Na nich je Najswjećiše wustajane. Při tym je Boži dom z mnohimi swěčkami a barbojtymi swěcami wosebiće wobswětleny. Stajnje hraje k tomu hudźbna skupina abo chór něšto zanjese. Jeli maš lóšt, móžeš so z měšnikom rozmołwjeć abo so wuspowědać. Wurjadne

pak je, zo zwonka cyrkwje, na bliskich naměstach a hasach, młodostni cuzych ludži narěča. Jich so woprašaja, hač njebychu lóšt měli, na chwilkku do cyrkwje přińc a w njej přebywać.

Tajki wosebity wječor sym přeni króc w Fuldze dožiwiła, kotryž wotmě so we wobłuku zetkanja wšitkich nightfeverskich zarjadowarjow w Němskej. Překwapilo je mje, zo přeprošenje, do cyrkwje přińc, tež młodostni scěhowachu. Wuhladach zdobom ludži, wo kotrychž sej předstajeć njemóžach, zo maja hewak kontakt z cyrkwju. Pola wšitkich wopytowarjow sy spóznał, zo k měrej přińdu a zo su skónčnje něšto našli, za čimž su poprawom hižo dołho pytali.

Nightfevery přewjedu so po cyfym swěće w městach. Samсны wječor – wězo z časowym přesunjenjom – bě tajki nightfever w New Yorku!

We wobłuku mjenowaneho zetkanja w Fuldze přewjedzechu so hišće workshopy ze wšelakimi nabožnymi temami. Swjećachmy kemše z tamnišim biskopom Heinzom Josefom Algermissenom a swjećacym biskopom Johannesom Kappom.

Wobhladachmy sej biskopsku cyrkej. Wona ma wulku kupolu, z kotrejež zaspěwachmoj ze Saru Rječkec serbsce „Strowa sy, Marija“. Sym w Fuldze mnohich zajimawych a zahorjacych ludži zeznała. W Drježdžanach běža tuchwilu přihoty za tajki nightfever, ko-

preprošuja do cyrkwje

tryž so srjedu, 9. apryla, přewjedže. Štóž ma lóšt a chwile, njech sej do cyrkwje Jězoweje wutroby na Borsbergowej 15 dojedže. Započatk nightfevera je w 19.30 hodź.

Na wonym zetkanju w Fuldze smy tež za młodžinski festiwal „alojs100.de“ w Radworju wabili, kotryž wotměje so lětsa wot srjedy do pjatka, 4. do 6. julija. Budže to zawěsće njezapomnite dožiwenje hinašeho razu ze spominanjom na 100. posmjertne narodniny zbožneho Alojsa Andrickeho. Młodžinski festiwal wuhotuja mnohe hudźbne skupiny a změjemy tam tež nightfever-special. Sće wšitcy wutrobnje přeprošeni, tam přińc, zo byšće sami móc Swjateho Ducha nazhonili.

Judit Handrikec



Nightfever Foto: W. Uffelmann